摘藻堂四庫全

書薈

要 经 部

欽定四庫全書為要日講書經解義養六

經部

詳校官祭酒臣章無恒

欽定四庫全書首要卷七百六十六 經部 **磷書經解義卷六** 誓名之泰大也此是上篇乃未渡河以前之文 武王伐紂史録其誓師之言以其大會孟津因以 ·文王國號武王克商因以為有天下之號此書月 一篇記周家一代之政事故曰周書 日講書經解義

御事庶士明聽誓 惟十有三年春大會于孟津王曰嗟我友邦冢君越我 此二節書首節見武王得人心之同次節是喻衆以 至于孟津天下諸侯不期而來會者八百國于是武 侯位之十有三年孟春之月以商紂無道舉兵伐之 友邦隣接交好之國冢君各國嗣立之君趙猶及也 伐紂之意且欲其聽之審也孟津今河南府孟津縣 御事治事之人庶士衆士卒也史臣叙曰周武王即

鱼灰匹庫全書

惟天地萬物父母惟人萬物之靈實聰明作元后元后 武王所以呼從征之人諄諄于聽捨者盖欲明其順 此一節書言天立君為民之意以明紂之可伐也亶 從人心教民水火而非好大喜功輕于與師動衆也 卒凡相從軍旅者俱宜聽我擔詞以見伐商之意夫 一一日講書理所義

侯共舉義兵至此及我本國治事之卿大夫與衆士

王將發擔師之言先數息曰今我友那家君列國諸

者就實之意元后大君也武王指師曰天地之于萬 最秀而最靈者立之為大君以統御萬民是君又天 資生有母道馬其長養愛育之心如父母之于子是 厚者也人類之中又篤生一聰明之聖人比于衆人 物論其形勢若相懸殊然乾元資始有父道馬坤元 地之所獨厚者也然天之立君豈徒尊崇富貴之哉 天地乃萬物之父母也萬物雖並生于天地之間惟 人得氣之秀比于衆物心為獨靈是人乃天地之所

飲定四庫全書

今商王受弗敬上天降災下民沈湎冒色敢行暴虐罪 人以族官人以世惟宫室臺榭陂池侈服以殘害于爾 ここう ここ 一一日請書經新義 者也夫天地生物而厚于人天地生人而獨厚于聖 養亦如父母之于子是元后又代天地而為民父母 其所以獨厚于聖者惟欲其思養斯民體天地父母 母之義乎 之心而已然則任元后之責者可不知所以作民父

正欲其體乾父坤母之心行子育萬民之政撫恤爱

威大勲未集 萬姓焚炙忠良到别孕婦皇天震怒命我文考肅將天 沈湎溺于酒也冒色冒亂女色也族族屬也世世代 此二節書是武王數紂慢天虐民之罪也受商紂名 民父母今商王受居元后之位乃侮慢自恣不敬上 **刳剔割剝也文考指文王武王曰天之立君原使為** 也臺上架屋謂之樹水邊段障謂之陂焚炙燒烙也 天肆行無道降災下民試舉其大者言之其荒淫則

其残忍暴虐至于如此是以皇天震怒命我先人文 **炮烙之刑焚炙忠良諫部之臣刳剔孕婦以觀其胎** 官瑶室高臺廣榭築陂障鑿池沿與凡侈靡諸事 并其族屬而刑戮之其用人則不論賢否但其心之 民之財窮民之力以殘害于爾萬姓不但此也又為 所喜即并其子弟親屬悉龍任之其所務者惟在瓊 敢行暴虐之事無所顧忌加罪于人不但誅其一身

沈漪于酒而不復出冒亂于色而不知止其凶忍則

ア ?] La La 一日清書經解表

肆予小子發以爾友邦家君觀政于商惟受問有悛以 于凶盗乃曰吾有民有命罔懲其侮 乃夷居弗事上帝神祇遺厥先宗廟弗祀犧牲家成 金灰四月在言一 考敬将天威往代其罪以救民于水火之中所情者 志征伐之舉豈得以自己哉 肆字解作故字發武王名俊悔改也夷蹲踞也既畫 文考逮崩大功猶未成就耳然則上奉天心仰成先 節書是武王追敘觀政于商而紂怙惡不悛也

棄祖先宗廟不行祭享凡祭祀所用犧牲粢盛盡被 悟改過之心夷踞而居忽慢天地神祇不知奉事遺 過自新則我亦將不復以征伐為事矣乃受絕無悔 終其事然猶未處伐之也嗣位以來十有三年告當 凶惡盗賊之人攘竊而去其慢神如此乃猶曰我有 也武王曰惟文考之功未成故我小子發欲伐商以 民社我有天命以此自恃而無有懲戒其侮慢之意 以爾友邦家君之向背觀商政之得失何如使其改 一人日滿者性節 表

罪無罪予曷敢有越厥志 天佑下民作之君作之師惟其克相上帝寵綏四方有 容已矣 也武王曰上天佑助下民為之君以長之為之師以 此一節書是武王自任君師之責以見代商之不容 已也佑助也相謂左右之也寵愛也終安也越猶過 夫觀商之政如此則其惡終不可改而我之兵終不 教之天之所以立為君師者惟以其能助上帝之不

飲定四庫全書

同力度德同德度義受有臣億萬惟億萬心予有臣三 者有罪當討一奉天以討之無罪當赦一奉天以赦 之何敢過用其心而擅為好惡于其間乎商受之罪 正天討所不赦者故我不敢違天之意縱有罪而不 1月湖省經鲜義

道則君師之責在我而克相寵綏之道有不容不盡

及以寵安四方之民此天所以立之也受失君師之



新定四庫全書 度也同力度徳同徳度義此二句古者兵志之詞也 若彼此德行相等則又較量其臨時孰兵出有名而 此一節書是即人事以明伐商有公克之理也度量 能與之敵矣夫兵家勝負之形可決如此今以商周 為義孰兵出無名而為不義義勝則雖有徳者亦不 行惡而為無德德勝則雖有力者亦不能與之敵矣 彼此兵力齊等則較量其平日孰行善而為有徳孰 十萬謂之億武王曰我聞兵志有云凡兩軍相對若

商罪貫盈天命誅之予弗順天殿罪惟鈞子小子夙夜 祗懼受命文考類于上帝宜于家土以爾有衆底天之 是一心其心既一以此赴敵何敵不摧乎是較其兵 之力較之受之臣子雖有億萬之衆然亦億萬其心 雖多亦不足恃也我之臣子雖止有三千然其心却 能勝衆聯屬人心之本非修徳行仁何以哉 也可見失人心則雖強亦終為弱得人心則雖寡亦 力已不勝我也又何論德與義哉信乎伐商之必克

八丁 五八五丁 日請書經解義

此二節書是言天命伐商有必往之勢故禀文王之 命而致天之代也貫通也盈滿也鈞猶言同風早也 使商罪未極天心未一限則我之征代猶為可已今受 祭地之名祭后土以求福宜故謂之宜冢土后土也 類者祭天之名以其禮與郊祀相類故謂之類宜者 窮光極惡其罪已貫通盈滿矣天厭其罪命我誅之 **展解作致武王曰今日伐商盖亦事勢所不容已耳**

鉑

定

四月任言 |

太六

舉天本命我文考乃先受命于文考之廟又行類禮 之伐紂曰予弗順天厥罪惟到其義一也 爾有衆致天之罰于商蓋將求免夫惟鈞之罪非出 于上帝、求福宜于后土皆以代商之事告之于是率 天下之心故湯之伐禁日子畏上帝不敢不正武王 于輕動也爾眾其念之哉蓋奉天代暴聖人初無利 與受鈞乎故我小子畏天之威早夜敬懼以伐商之 一一一一日詩書經新義

我若不順天行誅是容縱惡人抗違天命也其罪不

海時哉弗可失 天於于民民之所欲天必從之爾尚弼予一人永清四 意可知凡爾有衆庶幾輔我一人除其邪穢永清四 海夫兵貴乘時今日正天人合應之時也尚失此時 此一節書是誓師將終又致其勉勵之意也矜憐憫 之平民欲去疾苦即為之去今民欲止商如此則天 之意凡民情所欲天公鑒而從之民欲平禍亂即為 也弱輔佐也武王曰惟天居高聽早常有矜憐下民

欽

定四庫全書

嗚呼西土有衆咸聽朕言 惟戊午王次于河朔羣后以師畢會王乃徇師而誓曰 泰誓中 盖聖人之兵體天意察民心而又度時宜不得已而 此泰擔中篇乃史臣記武王伐紂既渡河誓師之辭 後動耳豈有利天下之心哉 不乘時以立事哉易稱湯武革命順乎天而應乎, 則上拂乎天下拂乎人而撥亂及正無日矣爾等可 一人日請者經解義

意史臣曰武王自孟春丁已日會兵伐商至于戊午 皆當聽我之言夫以拊循而慰之者恩也以軍法而 次止也河朔河之北也羣后列國之君伯者扮循之 此二節書是記武王河朔擔師而先警衆人之聽也 誓之者威也孟津之誓言友邦冢君御事庶士先諸 兵亦于此畢會聽武王號令武王乃扮循其衆發令 日從孟津渡河暫駐于河北地方是時列國諸侯之 以擔戒之先嘆息四嗚呼凡從我自西方而來之衆

一飲定四庫全書

化之朋家作仇齊權相滅無辜籲天穢德彰聞 商王受力行無度播棄犂老昵比罪人淫酗肆虐臣下 我聞吉人為善惟日不足凶人為不善亦惟日不足今 此一節書是先舉古語而後數商受之惡也無度無 可見矣 自近始也武王之兵雖曰順天應人其用兵有法亦 侯而後西土者明尊早之分也此先及西土者立法 法度也播放也犂字與黧黑之黧通用是老人面上 ,」,一日請書經解義

武王曰我聞古人有言凡為善之吉人其心惟在于 善雖終日為善猶以為未足也凡為惡之凶人其心 顏色配是醉後發怒無辜謂無罪之人籲天告天也 其所勉力而行者皆不循法度之事老成之臣所當 親近者乃放棄之罪惡之人所當斥逐者乃親比之 亦惟在于惡雖終日為惡猶以為未足也今商王受 所謂凶人為不善亦惟日不足也在下之臣子見受 定四庫全書 | 又且淫于色酗于酒縱肆威虐以戕害于百姓此正

歃

惟天惠民惟辟奉天有夏桀弗克若天流毒下國天乃 佑命成湯降點夏命惟受罪浮于桀剝喪元良賊虐諫 惟不遠在彼夏王天其以予又民朕夢協朕卜襲于休 輔謂已有天命謂敬不足行謂祭無益謂暴無傷厥監 尺三日車 至書一一日請書經解彰 害之人無處控訴呼天告冤故其腥穢之德顯聞于 之所為如此亦相與習染化而為惡各立朋黨互為 天耳夫天道福善禍淫豈能容此凶人哉 仇響脅上權力以相謀滅其毒流于天下使無罪受

释戎商公克 愛下民立君以長之立師以教之惟為人君者居天 此二節書是先即夏事以喻商受之必亡後即天意 重也休祥吉兆也我商謂加兵于商武王曰惟天惠 謂之喪元良指微子諫輔指比干監視也協合也襲 以明伐商之必克也浮猶言過也剝落也失位去國 庶乎不負上天立已之意也皆有夏之君桀不克順 之位治天之民必當仰體天心以盡君師治教之責

参六

益暴虐者人君大惡彼則以為無傷夫前人之成敗 者以直諫匡赦彼乃加以殘虐之刑至于剖心而死 彼則謂敬為不足行祭祀者朝廷大典彼則以為無 元子又有賢良之德彼乃遺落之使失位而去比干 今商王受之罪比之于桀則又過之如微子者商之 佑命商王成湯假手以誅之而降點夏命選于有商 天心久厭其惡彼則自謂已有天命君德莫大乎敬 天惠民乃恣為淫虐流毒于下國于是天心厭之乃 一一一日清書照解卷

有周親不如仁人 受有億兆夷人離心離他予有亂臣十人同心同他雖 飲定四庫全書 一 休祥之應此皆點有天意非偶然也以是知伐商之 此一節書是即人事以明代商之必克也十萬謂之 王禁耳今日上天之意殆使我伐商以治民也且我 乃後人之明鑒商之所鑒視者初不在遠惟在彼夏 于與師之時當得告下又當得吉夢夢與下合重有 兵斷乎其公勝矣

徳之人可以經邦濟世除暴安民是受之親不如我 受所統雖有億兆之衆然皆尋常平等之人且離心 億十億謂之兆夷解作平謂平常也亂臣能治亂之 臣周親至親也武王曰用兵勝負視其人材何如今 相濟我之十臣雖不盡是我之親戚然皆是仁厚有 皆盡忠報主與我一心一德是受之衆不如我之寡 離德不相聯屬我所有撥亂反正之臣雖止十人然 也受所親信者雖有同姓至親然皆凶人聰類同惡

朕必往 天視自我民視天聽自我民聽百姓有過在子一人今 武王曰天人一理善觀天者驗之於民而已今夫天 之疎也商周之勝敗不于此而可決也哉 自我民之視以為視也雖未當有耳以聽人而于人 雖未嘗有目以視人而于人之善惡無所不見者亦 此一節書是合天人而言之知伐商有必克之理也 之是非無所不聞者亦自我民之聴以為聽也今天

新定四庫全書 |

我武惟揚侵于之疆取彼凶殘我伐用張于湯有光 此一節書是表已代商之公心也揚奮揚也侵入也 慰民之心則不能順天之意將無以成衣清之功而 罪殺民于水火之中民情如此則天意可知為不能 往則所以威武奮揚以侵彼商受之疆界者正以商 疆謂疆界凶殘指紂言武王曰我之伐商既在所必 不免于惟鈞之罪矣今日代商之往豈我所容已哉

下之百姓皆過責于我一人之身言我不能往正商

弱哉夫子罔或無畏寧執非敵百姓惶懷若崩厥角鳴 中于以建求清之烈于以成未集之敷而殺伐之功 受暴虐天下患之故欲取彼凶殘以拯民于水火之 有光盖古之聖人皆以公天下為心類如此 伐湯之子孫覆湯之宗社謂之湯響可也而曰玉湯 湯之心固公天下之心矣今我之取彼凶殘由受之 罪浮于禁則于湯之心豈不益顯于天下乎夫武王 因以張大馬耳昔湯之降點夏命由桀之弗克順天

新定匹庫全書

呼乃一德一心立定殿功惟克永世 者何也今商之百姓畏受之震懷懷乎若崩推其頭 此一節書是勉將士圖代商之功也弱勉也夫子指 乘之乎嗚呼爾等將士其同以除暴救民為德同以 角然人心危懼如此所望者惟此一舉而可以忽心 寧執心以為非我所敵常存戒懼之意可也所以然 除暴救民為心一戰勝商立定其功則庶幾民無懷 泉将上武王曰勉哉爾等将士無或以受為不足畏 日講書經解義

泰誓下 飯定四庫全書 / 懷之危而得以久安于斯世矣夫武王指師既曰戎 商少克又日寧執非敵既曰予有亂臣同心同徳又 曰乃一徳一心聖人之重用民命臨事而懼如此

時厥明王乃大巡六師明誓衆士王曰嗚呼我西土君 師之辭 此泰誓下篇史臣記武王伐紂既渡河將趨商郊誓

子天有顯道殿類惟彰今商王受狎侮五常荒怠弗散

一氏定日車全書 一日講書經解表 道五常五倫也即指顯道言史臣曰武王既以伐午 六師按行軍壘然後晓然發令指戒衆士歎息而言 曰嗚呼凡從我而來西方之君子各宜知悉上天有 日次于河朔至于明日将超商郊去敵甚近乃大巡 六軍也西土君子指西方從征之将士顯道明顯之 之天棄民怨也厥明是明日大巡周編巡視也六師 此二節書是殺武王將趨商郊巡師誓衆而先言受

自絕于天結怨于民

新朝涉之脛剖賢人之心作威殺戮毒痛四海崇信姦 回放點師保屏棄典刑囚奴正士郊社不修宗廟不享 畔之天怒民怨如此我安得不奉天順人以討之哉 道各有攸屬或以天合或以人合一倫一理截然不 不敬上則自絕于天而天棄之下則結怨于民而民 可也今商王受乃狎侮此五常之道,荒棄怠惰全然 混其類甚為彰明為君者敬守此道以為法于天下 明白顯著之道曰仁曰義曰禮曰智曰信此五者之

作奇技淫巧以悅婦人上帝弗順祝降時喪爾其孜孜 此一節書是述紂狎侮五常自絕於天之事也皆砍 作斷武王曰商王受於冬月見人早晨涉水疑其脛 斷也朝涉清晨渡水也脛脚骨也賢人指比干痛病 聖人心有七竅遂剖比干之心而觀之大作刑威任 也姦回姦邪之人也正人指箕子婦人指妲己祝解 何故耐寒乃斫而觀之惡賢人比干強諫怒曰吾聞 一人恭行天罰 一日端書經解義

幸之婦人夫剖賢人囚正士是無君臣之義也不享 宗廟是無父子之恩也放逐師保是無師友之禮也 屏棄之而不用正士如箕子者則拘囚之以為奴郊 竟殺戮以毒病四海之人其所崇信者皆是姦邪小 媚悦婦人是無夫婦之道也商王之悖亂天道以包 行事祀惟專作奇異之技術淫侈之巧物以媚悦所 社所以事天地而不行修舉宗廟所以事祖宗而不 定匹庫全書 | 人其所放點者乃在師保重臣先王之典章法度則

迪有顯戮 強乃雠爾眾士其尚迪果毅以登乃辟功多有厚賞不 古人有言曰撫我則后虐我則讎獨夫受洪惟作威乃 汝世讎樹徳務滋除惡務本肆予小子誕以爾衆士殄 君也獨夫謂狐立無助之人指紂言樹徳務滋除惡 爾衆士其可不勉力不怠奉我一人以敬行天罰哉 節書是言紂結怨于民而勉將士之盡力也后 一一一一日講者經群義 大

絕于天如此故上天不順其所為而斷然降是喪已

新定四庫全書 背無常以思撫我則愛戴之為君上以威虐我則疾 務本二句亦古語也肆發語詞誕大也珍絕也殲滅 視之如鬼雠由此言觀之今孤立無助如商王受者 滋長欲除去人之惡則務絕根本今商王受正衆惡 可為汝君乎我又聞古人曰欲樹立人之德則務其 大作威虐以殘害于爾百姓是乃爾之世讐也寧復 乃辟汝君也武王曰我聞古人有言曰小民之情向 也迪字解作蹈字殺敵謂之果致果謂之毅登成也

嗚呼惟我文考若日月之照臨光于四方顯于西土惟 我有周誕受多方 策勲定難以自免于罪戾哉 若不蹈行果毅則必有顯戮以示衆庶爾等可不思 爾若功績眾多則我有厚賞非特一爵一級而已爾 無有畏避無有中止以成爾君弔民伐罪之功可也 之罪務於絕殲滅爾之世響爾等衆士其蹈行果毅

之本所當急去者也故我小子大以爾等衆士問受

アミコ 日 · 一一日清古紅新義

十九

此一節書是述文王之德為天人之所歸也西土指 東西朔南之遠光無不被而岐周豐鎬地為至近故 岐周豐錦之地多方萬方也武王曰商王受之惡天 其德為尤顯文考之德其所及如此是以人心戴之 修政以仁民其徳之輝光譬如日月之明照臨下土 天命歸之惟我有周宜其大受多方而有天下也夫 與之理乎嗚呼當商之季惟我文考能率典以敬天 人共棄之如此有公止之勢矣爾等亦知我周有公

惟予小子無良 予克受非予武惟朕文考無罪受克予非朕文考有罪 此一節書是善則稱親過則歸已聖人之臨事而懼 也乃惟我文考有徳無罪故為天所佑而庇及後人 籍先德而已故我能勝受非我之威武足以取天下 也武王曰我文考之徳既足以與那今日之事惟憑 適矣爾衆之輔我伐商也又何疑哉 我有文考之徳為之憑籍天下之大自不能舎而他

た No 目 A Lo 日端書經解義

耳若不幸而受能勝我非我文考之有罪不足以得 湯下篇之末稱文考盖論萬古大義則武王于湯任 前人耳我與爾眾士其共勉之哉泰擔中篇之末稱 再起之責者也論一家世德則武王于文王任成終 天下也乃惟我小子德薄無良故為天所譴而辱及 王所以臨事而懼也 之責者也遂則欲無愧于湯近則欲無忝于文考武

時甲子昧爽王朝至于商郊牧野乃誓王左杖黄鉞右 東白花以麾曰逃矣西土之人

名篇

史臣記武王伐紂兵至牧野臨戰措師之辭以牧指

地名在商之郊外即今河南衛輝府城南鐵谷也黃 也甲子是二月初四日昧爽天將明未明之時也收 此一節書是敘武王軍于牧野將誓師而先慰勞之

鐵以黃金為飾者也逃遠也史臣曰時二月四日甲

日清書經許義

夫長百夫長及庸蜀羌勢微盧彭濮人稱爾戈比爾干 立爾矛子其誓 王曰嗟我友邦冢君御事司徒司馬司空亞旅師氏十 戒勉將士武王左手持黃金所飾之鐵右手持白花 子黎明之時武王至于商郊牧野之地乃發指命以 故率爾至此其行亦已遠矣武王此言盖慰衆之勞 而啓其聽悟之心也 以指麾軍中曰爾等皆西土之人我以伐暴救民之

新定四庫全書 |

掌扈從宿衛之事千夫長統千人之帥百夫長統百 曰嗟哉我鄰國之諸侯與我本國治事之臣司徒司 也戈矛皆鎗類比並列也干盾也即今之遮牌武王 人之帥也庸蜀羌琴微盧彭濮西南夷八國名稱舉 一一一一一一一日講書經解表

友那相隣交好之國家君各國嗣立之君御事執事

次故謂之亞旅士也以其人衆故謂之旅師氏官名

之人司徒司馬司空為三卿亞大夫也以其為卿之

此三節書是武王歷呼從征之人而欲其聽之審也

|弟不迪乃惟四方之多罪逋逃是崇是長是信是使是 王受惟婦言是用唇棄殿肆祀弗答唇棄殿遺王父母 一新定四庫全書 一人 王曰古人有言曰牝雞無晨牝雞之晨惟家之索今商 于擔師之時已可以不戰而屈人矣 夫武王伐紂本仁義之師而又器械嚴整士氣精明 馬司空亞大夫衆士師氏之官干夫之長百夫之長 汝之干樹立汝之矛我將發擔命以告汝宜審聽之 及庸蜀羌擊微盧彭濮八國之人皆執汝之戈排列

以為大夫卿士俾暴虐于百姓以姦究于商邑 有言曰牝雞無晨鳴之理若牝雞晨鳴其家必至破 祖也母弟同母之弟廸道也武王誓師曰我聞古人 晨報晚也索謂蕭索婦指妲己肆陳也答報也王父 此二節書是引古語以聲商王之惡也牝雞是母雞 已好惡賞罰惟其言是用所謂牝雞司晨也因此顛 敗蕭索可見陰陽有定分內外有定體婦人不可以 預外事亦猶牝雞不可司晨也今商王受乃惑于妲

一一一日清書里評美

今予發惟恭行天之罰今日之事不愆于六步七步乃 飲定四庫全書 一二言 止齊焉夫子勗哉不愆于四伐五伐六伐七伐乃止齊 倚勢犯法作姦冗于商邑牝雞晨而家索婦言用而 惟四方多罪逃亡之人尊崇而長養之親信而任使 國上其理盖有公然者矣 之以是人為大夫卿士使齊權肆毒加暴虐于百姓 所遺同祖之弟與同母之弟而不能以道善遇之乃 倒昏亂棄其所當陳之祭祀而不知報答棄其先王

克奔以後西土弱哉夫子爾所弗弱其于爾躬有戮 肆行無道如此今我小子發與兵伐商惟以敬行天 罰而已非得已而用之也故今日之事當以節制為 还迎擊也奔是奔來降者武王曰商王受聽用婦言 衆將士弱勉也桓桓威武貌虎貌熊羅四種猛獸也 也發是武王名您過也步進趨也伐擊刺也夫子謂 此四節書是勉衆以節制之法臨陣之男無衆之仁

,一人日講書經解義

馬弱哉夫子尚桓桓如虎如雜如熊如羆于商郊弗还

當于凶残者取之抗拒者誅之若有奔走來降者勿 郊之地不可少有退怯也然過勇則不免于濫殺惟 士其振桓桓之威如虎如縣如熊如熊以奮擊于商 復從而伐之勉哉爾將士無或乘怒而貪殺也爾將 伐多不過于六代七伐即便止駐以整齊部伍然後 無或乘勝而輕進也其戰而殺敵少不過于四伐五 便止駐以整齊部伍然後復從而伐之爾將士勉哉 尚不以多殺為功其進而迎敵不過于六步七步即 鉝

定匹庫全書

参六

奮而殺降是戒可也爾將士若于我之命而有所 辟奉天曰天其以予人民乃知聖人不得已而動衆 戒哉按泰撸之辭曰元后作民父母曰惟天惠民惟 以安民為首務 興師除殘去暴凡以為生民計也故征伐所及公先 紀律也則軍有常刑必戮及爾身問有收赦矣可不 不勉或輕進或貪殺或無勇而殺降是違號令而失 5

一八丁時旨至午一

迎而擊之以勞役我西土之人勉哉爾將士其武勇是

害虐然民為天下逋逃主萃淵數予小子既獲仁人敢 曾孫周王發將有大正于商今商王受無道暴殄天物 武成 惟一月壬辰旁死魄越翼日癸巳王朝步自周于征伐 商底商之罪告于皇天后土所過名山大川曰惟有道 史臣記武王自伐商以至歸周始終規模次第以總 **叙武功之成而以武成名篇**

欽

定四庫全書

祇承上帝以遇 亂略華夏蠻貊罔不率俾惟爾有神尚

克相予以濟兆民無作神羞 此二節書是史臣記武王代商與兵之期與告神之

事也一月是建寅之月不曰正而曰一者商建丑以 處每月朔後則明生魄死故初二日謂之旁死魄異 十二月為正朔故曰一月也旁是近魄是月體黑暗

日明日也底商之罪是極數商紂之罪惡有道是周

家先世祖父有道徳者逋逃罪犯逃避之人也略誤

略也俾解作從史臣曰惟一月建寅之月初二日壬 一一一片二五五十二

欽定四庫全書 · 言書無法言 舉兵往在代商受乃極數受之罪惡告于皇天后土 受雖居君位而無君道天物者天生之以資人用者 道之曾孫周王發將欲與師大正有商之罪今商王 **長旁死魄越明日癸已武王于是日之朝步自宗周** 則酷害殘產而不知撫養天下有罪在逃之人所當 誅鋤之以安良善者也受反权留之與彼為主有司 及所過名山大川之神其祝辭曰惟我周家先世有 也受則暴恣殄絕而不知愛情衆民者邦之本也受

勝以貽爾神羞辱可也 受之罪上帝所怒不可不正者也今我小子既得仁 莫之敢捕如魚之聚于深淵獸之聚于林藪此皆商 輔我戰勝攻取以救濟兆民出諸水火班使為商所 子何敢自恃惟爾天地山川之神其尚于冥冥之中 貊無不相率順從我周同力伐商然兵凶戰危我小 民之舉取彼凶殘遏絕亂謀惟時內而華夏外而蠻 厚有徳之人為之輔佐敢敬永上帝之意為伐罪弔 日講者經新義 -ト セ

舊釋箕子囚封比干墓式商客問散鹿臺之財發鉅橋 受率其旅者林會于牧野罔有敵于我師前徒倒戈攻 之栗大麥于四海而萬姓悅服 于後以北血流漂杵一戎衣天下大定乃反商政政由 既戊午師逾孟津癸亥陳于商郊俟天休命甲子昧爽 此一節書是記武王克商之節次與夫定商之規模 也陳字與陣字通用休命上天休美之命也若林人 泉如樹林也北敗走也杵是木杵箕子諫紂不聽伴

定四庫全書

前列卒徒及顛倒其戈自攻在後之人受之兵遂至 牧野之地然受兵雖多無向前與我周師為敵者其 黎明之時商受率其軍旅衆多如林與武王會戰于 亥日列陳于商郊頓兵少息以待天之美命甲子日 史臣曰武王率伐商之師于戊午日東渡孟津河癸 門也鹿臺鉅橋討職積錢糧之所大麥普施思澤也 一一一一一一一人日講書經群義

約所廢式謂在車上俯身憑戴以致敬也問族居里

狂為奴身被囚繫比干強諫剖心而死商容賢臣為

無不心悦誠服愛戴武王願其長為生民之主也 栗則發之以脈飢民大施恩澤于四海而萬姓之衆 問則式而敬之鹿臺之財則散之以賜貧乏鉅橋之 釋太師箕子之四封少師比干之墓過賢人商容之 此于是改革商受所行虐政其政皆由商先王之舊 大定無事于再舉之勞盖以至仁伐至不仁其易如 亦因而漂起所以武王之兵但一被甲而天下遂已 于大敗奔走蹂踐自相屠戮血流遍野雖木杵在地

新定四庫全書

華山之陽放牛于桃林之野示天下弗服 殿四月哉生明王來自商至于豐乃偃武修文歸馬丁 林皆地名服用也史臣曰武王先以一月二日自周 此一節書是記武王偃武之事也哉字解作始字初 三日月始生明故謂之哉生明豐周之舊都華山桃

伐商至是四月三日月始生明之時自商而來歸至

于豐乃偃息威武而修舉文徳凡所用之戰馬皆發

歸于華山之陽任載之牛皆牧放于桃林之野明示

1月 持与里洋尼

甸侯衛殿奔走執豆邊越三日庚戌柴望大告武成 既生魄庶邦冢君暨百工受命于周丁未祀于周廟邦 武功之成也每月望後則月體黑魄復生故謂之既 此二節書是記武王朝覲以嚴正始之道祀神以告 可見用兵非聖人之得己也 厭 亂終苦干戈之擾故武王汲汲于偃武修文如此 兵動衆矣蓋是時商政暴虐雖望時雨之師而人心 天下之人使知自今以往與百姓同事太平不復與

欽定四庫全書

年大統未集予小子其承殿志 勲延膺天命以撫方夏大邦 畏其力小邦 懷其德惟九 于大王肇基王迹王李其勤王家我文考文王克成厥 王若曰嗚呼羣后惟先王建邦啓土公劉克篤前烈至 生魄庶邦冢君四方諸侯也百工卿大夫也殿速也 代商而為天下主也乃擇丁未之日舉祀典于祖廟 豆遵祭器崇燔柴祭天也望望祀山川也史臣曰當 曾受命于先王祈助于神祇至是天下已定故次第 推戴武王為天子相率而受命于周盖武王至是始 廟越三日庚戌又燔柴祭天望祀山川盖前者代商 近而邦甸遠而侯衛莫不速奔走執豆遵來助祭于 四月望後月既生魄之時四方諸侯及在朝百官皆 舉行郊廟之祀用大告武功之成且以謝答神佑也 此一節書是記武王歷叙王紫之所由成以聳動諸 夏謂四方華夏之地武王告諭諸侯戴息而言曰鳴 侯也奉后衆諸侯也先王指后稷誕大也膺受也方 全書一日講書經解義 我周王天休震動用附我大邑周 秦天成命肆予東征終殿士女惟其士女謹殿玄黃昭 呼爾等羣后其審聽之皆我先王后稷在唐處時能 至公劉又能篇厚前人功烈至太王去が居岐始基 教民稼穑始受封為諸侯建邦開國于有部之地傳 當時大國諸侯皆畏懼文王之威力而不敢放肆小 立興王之迹至王季能勤勞王家至我文考文王乃 能成就其功實已大受上天之命以撫安方夏之民 子之舉不過永順先人之志以除暴安民而已 定四庫全書 日講書經解義 此一節書是見武王伐商之事上承天命下順人心 厥功者如此惜乎九年而崩大統未集故今日我小 國諸侯皆懷念文王之恩徳而賴以存立所謂克成 商命我文考除之雖大統未集固已一成而不可易 也篚竹器玄黄色幣也附歸附也武王又曰天心愿 矣故我敬順上天成命遂舉東征之師以安定商之 也成命點商之定命也肆解作遂終安也士女男女

集而文王之志亦于是乎成矣我周之有天下實由 祖宗締造有素而天命攸歸豈我之功哉 是歸周者民而所以使之歸者天也至是則大統己 率以歸附我大周之國而奉幣以昭徳自不容已耳 一一一一一一一一

幣迎接周師以明我周王有弔民代罪之徳夫商之

民喜周之來非周有求于民而民有私于周也盖上

天眷顧我周之休命點有以鼓舞乎斯民故民皆相

士女商之士女喜周之來皆用筐篚之器盛之黄之

食喪祭惇信明義崇德報功垂拱而天下治 列爵惟五分土惟三建官惟賢位事惟能重民五教惟 此一節書是記武王致治之本末也垂拱是垂衣端 子男是也其分土以三等公侯百里伯七十里子男 五十里是也其建立庶官則惟賢者用之而不賢者 拱無為之意史臣曰武王克商之後偃武修文之事 不可悉數略舉其大者言之其列爵以五等公侯伯 不得預也其居位任事則惟能者使之而無才者不

盡善如此故不必有所作為但垂衣南面而天下自 然治定功成之後文德雍容亦自有唐属間氣象刺 守之以信而始終不渝凡行一事必裁之以義而動 之教與夫力田足食死喪祭祀之禮也凡出一令必 得濫也其所最重者君臣父子夫婦兄弟朋友五倫 治矣武王致治之本末如此武王雖以征誅得天下 無過舉有徳者則尊顯之不敢蔽人之徳有功者則 酬報之不敢負人之功武王經理天下其弘綱大要 丁事写空洋兒 きれる

洪範 惟十有三祀王訪于箕子王乃言曰嗚呼箕子惟天陰 飲定四庫全書 二八二 武王克殷訪問其子箕子以洪範陳之洪大也範法 想哉 史臣所記端拱可見矣盖治法詳于有為治化享于 然東舞勵天下人心風俗堯舜無為之治不恍乎若 無為以天下爵土官賞予天下賢才功德以天下同 也治天下之大法也故以洪範名篇

隱下民相協厥居我不知其異倫攸殺 古帝王治天下之道故武王以師禮尊之而不敢以 道也史臣曰惟武王十有三祀既克商而有天下乃 臣禮待之也武王乃數息而言曰嗚呼汝箕子惟天 訪問也算是國名子是爵陰隱者熙定之意弊倫常 此二節書是記武王訪道于箕子之詞也王是武王 于冥冥之中點有以安定其民為之輔相保合其所 屈天子之尊親就其子而訪之盖其子商之賢人知

日清書理群義

飲定四庫全書 當居止之理天之為民何其厚也然是居止之理具 其所以叙之汝其明以告我可也盖武王于得天下 周曰年稱十有三祀者順其子之志是以存商人之 之初他務未追而先致致于訪道之誠如此商曰祀 固以叙此舞倫之責寄之于我矣我欲叙之而不知 于人心為東彝由于人身為人倫天佑民而作之君 號而不廢也就而問之者重道而忘勢也推本于天 之陰隱下民而求弊倫之所以致者思無負君師之

錫禹洪範九疇彝倫攸敘 箕子乃言曰我聞在告餘厘洪水泊陳其五行帝乃震 怒不畀洪範九疇葬倫攸戰蘇則極死禹乃嗣興天乃 此一節書是箕子陳道于周武王而先言洪範九疇 也數敗也箕子因武王訪道之誠乃答言曰帝王治 所由作也煙塞也汨亂也陳列也界與也九疇九類 天下之道具在洪範九時此九時者其原盖出于天 任也真可為萬世法矣

たこう E 4 E 日請書經解義

手五

我聞在背唐帝堯時命縣治洪水縣逆水性作限防 弗彰此常道之所以敗而失其敌也縣既以罪極死 洛書不出不與縣洪範九疇而治天下之大法隱而 汨亂上帝所陳列之五行矣故上帝 震怒水患未平 以煙塞之夫水為五行之首一行亂則五行皆亂是 禹乃繼縣而與順水性以治之至于地平天成五行 有文載九優一左三右七二四為肩六八為足五居 順列由是天鑒禹之徳乃于洛水中現出神龜背上

ここりここいり日請書經解義 曰協用五紀次五日建用皇極次六日人用三德次七 初一日五行次二日战用五事次三日農用八政次四 天治民之道未有外于是者也 之自大禹著之為言使萬世人君昭然有所法守承 九時求之而已盖九時之原出于天堯舜皆已體備 之所以我而無違者也今王欲知彝倫之敌亦于此

于中禹因而次第其數條列治天下之大法其類有

九謂之洪範九疇垂示天下後世燦然明備此常道

六極 曰明用稽疑次八曰念用庶徵次九曰嚮用五福威用 省驗也徵徵應也所徵應者非一故曰庶徵也額勸 **灾匹庫全**書 此一節書是箕子述禹所敘九疇之綱也農厚也言 治也言治民也明辨惑也稽疑用卜筮以考疑也念 厚民生也協合也言合天道也建立也言立極也又 之使嚮慕也威懲之使畏懼也極窮也苦也其子曰 洛書之數有奇偶而無文字禹以人君治天下之大 参六

法次第分配之書數始于一時之初一日五行盖天 制立法以厚民生惟八政是用馬修身斯可立政故 全五行為斯民日用所不可缺人君因天道而全民 配以第三疇書數自三而四疇之次四曰協用五紀 二曰敬用五事盖五事本五行之氣而賦其理于生 用莫先乎此故配以第一時書數自一而二疇之次 人之身者也人君修身之要在敬以用之故配以第 一時書數自二而三疇之次三曰農用八政人君創 一一一日講書照解義

金定四庫全書 徳以遼乎治之中而後可納天下臣民于極此第六 為天下臣民標準上以奉若天心下以克終民性治 而立之象睛之次五曰建用皇極盖立乎大中至正 既以身立教而治道不可偏執必因時制宜用此三 天下之大法皆于皇極統攝之故配以第五疇而居 天時故配以第四疇書數五居中位乃人君中天下 人君治歷明時以合天道惟五紀是用馬王政必順 九數之中馬書數有六疇之次六曰人用三徳人君

たこり 中自斂福而免極矣然欲使臣民向慕于為善必用 五福以勸之欲使臣民畏懼而不為惡必用六極以 于九晴之次九日嚮用五福威用六極人君修身建 ,」,日講書經解義 ミナハ

當因其休谷用以省驗其行事此第八疇也書數終

徴凡人事之得失不齊則天道之徵應亦不一人君

下之疑此第七疇也書數有八疇之次八曰念用庶

之務吾心固有先見而決幾應變必用卜筮以斷天

疇也書數有七疇之次七曰明用稽疑人君成天下

下火曰炎上木曰曲直金曰從革土爰稼氇潤下作鹹 懲之善惡之應盡于此故以第九畴終馬斯九畴自 五行一曰水二曰火三曰木四日金五曰土水曰潤 然之序天所以錫禹者神而禹所以垂示天下萬世 者備矣合而觀之九疇之本在皇極故不言數而為 主欲殺彝倫以比隆二帝三王其惟皇極之體立而 衆數所由該前四疇以立其體後四疇以行其用人 用行乎 四月白書

炎上作苦曲直作酸從革作辛稼穑作甘 實故居三其四日金地四生金形體堅固故居四其 此一節書是箕子所行五行之睛也箕子日九睛之 五日土天五生土體質最大故居五其序如此然各 生火形體漸著故居二其三日木天三生木形體方 不由微而至著故五行之生序亦以微著為先後甘 一日五行皆天地運行之氣化所生也萬物成形草 一曰水天一生水形體最微故居一其二曰火地二

丁青島里洋島

敏定四庫全書 · 下京 **穡性禀中和其味甘美此皆成于造化之自然而切** 酸金惟從革則氣烈而成卒土得陰陽之冲氣故稼 鹹火惟炎上乃焦灼而為苦木惟曲直則氣鬱而成 馬既各有其性遂各有其味水惟潤下乃浸漬而為 直金性可順從而又可改革曰從革土性則能生物 性炎熱而又上升曰炎上木性屈曲而又聳直曰曲 而生物之徒莫威于五穀于是播種為橡权養為 一質則各具一性水性潤澤而又下行曰潤下火

二五事一曰貌二曰言三曰視四曰聽五曰思貌曰恭 總之一太極而已 卦一五行而易言陰陽不言五行陰陽即五行也九 于民生之日用者財成以制其過輔相以補其不及 河出圖洛出書聖人則之故先儒言圖書相表裏八 則在人君故治天下之大法必以此為首務也易曰 陰陽而洪範言五行不言陰陽五行即陰陽也

言曰從視曰明聽曰聰思曰審恭作肅從作又明作哲

日尚書聖解義

聰作謀客作聖 者條理也哲者智也謀者度也聖者無不通也其子 發見先後亦如五行之序其一曰貌初生時精之所 此一節書是箕子所行五事之晴也肅者嚴整也人 居二其三曰視精顯于目則遇物而能視其敷散屬 凝有形有色而為貌其潤澤屬水故居一其二曰言 曰九疇之二為五事人禀五行之秀氣以生故五事 既生後氣之所發有聲有音而為言其發揚屬火故

一致定四庫全書 | 人一下 奉六

木故居三其四曰聽氣藏于耳則感聲而能聽其羽 惟從則德音有條有理而作又視有明之德則不蔽 既具而用自彰貌惟恭則德容可畏可象而作肅言 所不聞謂之聰思之德心通乎微謂之香五事之德 理成章謂之從視之他無所不見謂之明聽之總無 既備而德自具貌之德齊莊中正謂之恭言之德順 而能思其通達屬土故居五盖生序如此五事之體 **級屬金故居四其五日思精氣聚于心則有知有識** 日講書經解義

三八政一日食二日貨三曰祀四日司空五日司徒六 誠之于思則貌言視聽之際皆有以省察而持循之 践其形盡其性乃謂之敬用而建極之本在是所以 理則身修而可以治人矣抑五事以思為尤要馬惟 否而作謀思之德惟其督則知來藏往而肅义哲謀 于物理人情而作指聽有聰之德則不感于是非可 聖治不外乎聖學也 以貫之故作聖人君用此五者主之以敬隨事盡

飲定四庫全書

日司鬼七日實八日師 掌教司冠掌禁賓者賓禮諸侯遠人也師者師旅也 資貨以用通商惠工使之有無均濟亦王政所先也 井授田使之家給人足王政之首務也其二日貨民 其三曰祀生養既遂當思報本則修祈報薦祖考之 箕子曰九疇之三為八政其一曰食民賴食以生分 此一節書是箕子所行八政之睛也司空掌土司徒 政行馬其四日司空養生事神利在安居則造廬舎

· 足日事全書 日講書經鮮著

築場画之政行馬其五曰司徒民之逸居不可無教 教之弗率不可發刑于是有語發禁暴之政明刑以 武徳益振乃以師旅平邦國而除殘靖亂之政在是 弱教馬其七日賓內治畢修外治斯舉乃以賓禮親 于是有惇典庸禮之政敷教以化民馬其六日司鬼 生也故曰農用八政要之治內之政六而司鬼居後 矣八者雖有緩急先後人君舉而指之皆所以厚民 邦國而懷侯綏遠之政在是矣其八曰師文德誕敷

四五紀一日歲二日月三日日四日星辰五日歷數 飲定四庫全書 日間書經解義 有一寒一暑之序因之以定四時而成一歲所以紀 歷以授人時有所以統紀之法其一曰歲天道運行 此一節書是箕子所行五紀之睛也紀者如綱之有 紀為天時之統紀也箕子曰九疇之四為五紀蓋治 聖人所得已也人主立政之序的然矣

少教養無備然後不得已而用之也治外之政二

師居末必邇人安遠人格而後征不庭且用兵尤非

晝夜之長短日有先後因之以定甲乙之次第而日 天運也嚴無不統故居一其二日月月麗于天有生 于是乎可紀矣日統于月故居三其四曰星辰星以 明生魄之候因之以定晦朔而成一月所以紀月行 二十八宿為經以五星為緯辰為日月交會之次周 也月統于歲故居二其三曰日日有出沒因之以定 天有十二辰因其經緯次舎而定之而星辰于是乎 可紀矣星辰乃日月之所經行故居四其五曰歷數

星辰者故居五此五者皆天所垂象以示人而推測 常行則有推步之法于其變動則有占驗之法而歲 将不違天而政不失時此治歷所以為殺**葬倫之先** 用五紀夫敬天乃勤民之本人主明于協用之道則 占候定其次序之紀者則人之所以合乎天故曰協 月日星辰皆于是乎可紀矣是歷數所以統歲月日 莫不有自然之數馬因其數而制為一定之思于其

月日星辰皆隨天之轉旋以成歲功者其盈縮運疾

尺八丁巨山 一人日講書經解義

野

庶民于汝極錫汝保極 五皇極皇建其有極斂時五福用敷錫厥庶民惟時厥 務與 終也數布也錫與也保猶守也其子曰九晴之五為 極之義標準之名愈集也五福即壽富康寧好徳考 此一節書是箕子所行皇極之睛也皇君也極者至 常倫理事物言動之間必由乎大中至正極盡其當 皇極其義維何盖六君一身為天下臣民表率凡綱

米六

· 元日事 ◆ 書 一一一日請書經解義 道人人所同有人君又少以此教化天下用皇躬之 其有極也夫極建而福自應天祐元吉作善降祥乃 敷布以錫厥庶民馬由是其時之庶民皆感慕動趨 極與天下共由之即用皇躬之福與天下共享之而 **飯集是五福于皇躬矣然豈自私其福哉此至極之** 然之道立臣民之標準使天下可法可則此所謂建 極之道不敢失墜而民安于下則君身益安于上協 于皇建之極勉力為善而自然不敢為惡惟保守至

凡歌庶民無有淫朋人無有比德惟皇作極 氣旁流清和咸理一似民以此福還錫之君而使之 善之理而建極者即明徳新民之止於至善錫福保 為九疇極要而居中五之數也宜矣此極即大學至 長為至極之標準故曰錫汝保極然則建用皇極尤 立極使民皆同受其福哉 極量是皆以修身為本也人君其亦加意修身為民 此一節書是承上文言保極而歸本于皇之建極也

德而誣上行私者此豈能無自而然哉惟大君執中 皆循分守法無有交結淫邪之朋黨以相聚為非在 通于臣民而倡率之機全係乎主上凡天下之衆民 守正以身作極于上先為萬民之表率百官之儀型 朝有爵位之人亦皆公忠體國無有黨援比附之惡 淫朋邪黨也比德私相比附也箕子曰皇極之理雖 民所仰賴之重如此信乎君之不可以不建極也盖 故臣民觀感與起而心術自端趨向自正耳天下臣|

尺已日車全書 日講書經群義

甲ナス

斯其惟皇之極 各皇則受之而康而色曰子攸好徳汝則錫之福時人 凡厥庶民有猷有為有守汝則念之不協于極不罹于 臣民保極由君之作極其歸本于人主者深切著明 淫朋比徳皆非中正之道則不可與保極孔子釋觀卦 化保極之謂也上文言君建極則臣民保極此又言 之彖辭曰中正以觀天下作極之謂也又曰下觀而

飲定四庫全書 日講書經鮮義 觀感亦不一致非隨材而造就之何以悉納于極哉 勉以成就之也又有中人之資雖未能自合乎至極 自守者皆可備朝廷之録用人君所當眷念不忘敦 凡庶民之中有識足謀慮者有才堪設施者有蔗潔 君能作極于上固足以化導乎下矣然人材不同等 之者容之而不拒也康安和也福指爵禄也箕子曰 之理亦不敢為非而陷于過惡此等人進之可與為 一節書是言皇極所以教民之法也罹猶陷也受

進修既見于動容而有安和之色又發于中心而有 能以保極矣皇極之造就乎民者如此觀箕子此言 禄之福使益知所勸馬將見惟是庶民感發于念受 好徳之言是其身心皆漸趣于極人君則當錫以爵 于拒絕也若此庶民感君念之受之之化乃能勉力 之已深鼓舞于錫福而不倦斯同歸惟皇之極而信 天下無智愚賢不肖莫不可引之于至善之極而教

善棄之或流為不善人君當容受而教育之不可輕

無虐榮獨而畏高明 養以裁成之爵禄以激勸之人主可不加意乎 也箕子曰人君于天下臣民固當有造就之法尤不 此一節書是結言上文教民而引起下文教臣之意 也虐輕棄之意榮獨猶云孤寒也高明勢位尊顯者

東全事 · 日講書經鮮義

賤者即當念受而錫賽之無以其烧獨為可虐或至

可有偏私之心但能勉趨于極而為善雖庶民之微

忽遭也但有稍悖于極而為不善雖人臣之尊顯者

箕子猶為切戒者惟此心易忽一善或棄即是震不 造就臣民也三代聖王何至有虐獎獨畏高明之事 憚而不為善無惡之法不恕于高明則非萬明者可 善偶容即是畏則人主造就臣民豈不貴窮理而大 知人何恃而敢為惡此皇極所以為大中至正而能 也夫勸善之典不遺于榮獨則非榮獨者可知人何

即當無罰而懲創之無以其高明為足畏姑且縱忽

此一節書是言皇極所以教臣之法也人正人俱指 有長于措施之為者或以負俗取累或以單位浮沉 在官之人言羞進也穀善也箕子曰天之生人全材 少偏材多惟有以進之于極則偏者亦全人君不可 不愛養而成就之如人臣之中有優于幹理之能者

C 三丁 巨 二 上方 一一一日講書經解義

四十九

雖錫之福其作汝用咎

穀汝弗能使有好于而家時人斯其辜于其無好德汝

人之有能有為使羞其行而邦其昌凡厥正人既富方

盛矣然有所資而後勸者中人之情也凡此在官有 能有為之人又必優厚其禄使無以貧蜜為憂然後 樂自効上輔君以敷錫下導民以保極而邦國其昌 和好于家則是人將以內顧累心且不免于獲罪况 望其進行而為善乎所以禄之不可不富也然當乃 可責其進行而為善若禄薄而俯仰不給弗能使其 必在上者為之鼓舞振作使益進修其德行將見人 所以養賢非可濫及苟徒以在官之故於其無能無

王之路無偏無黨王道湯湯無黨無偏王道平平無反 無偏無陂遵王之義無有作好遵王之道無有作惡遵 無側王道正直會其有極歸其有極 飲定四庫全書一日講書經鮮義 臣者如此夫人臣之義敬事後食其子言教臣特詳 船害于那國矣此又人君所當戒也皇極之造就乎 為而不好他者亦與之以禄則為濫用咎惡之人或 于養專為人主體臣而發也其亦王道本人情之一 季

所行之道而好所當好馬無徇私怒而有意為惡惟 義而與時皆宜馬無徇私喜而有意為好惟遵王者 諸心者無不中而偏無不平而限惟遵王者所行之 隔則違而遠之矣凡爾臣民於倫理事物之間其存 皇極之理行為訓詞使臣民時時吟咏而自得之其 此一節書是皇極之數言所以訓臣民者也無皆禁 止之解箕子曰王者建極于上既造就其臣民又以 詞曰皇極之理人人可以遵行但為私心私事所敬

アミコヤ C 一日講書經解義 易也無反而悖常無側而失正或自累于邪曲試觀 或自淪于傾險試觀王者之道何其平平然示人坦 念趣向即與皇建之極相為會合矣湯湯平平正直 王路是爾臣民所固有之極果能無偏败好惡則意 王者之道何其既正且直示人無私也夫王義王道 何其湯湯然示人廣遠也無不公而黨無不中而偏 而不中無黨而不公或自流于被監試觀王者之道

遵王者所行之路而惡所當惡馬其見諸事者無偏

日皇極之敷言是葬是訓于帝其訓 是爾臣民所同有之極果能無偏黨反側則日用常 此一節書是贊敷言之妙也曰起語解箕子曰王者 而躋風俗于三代詩教亦昌可廢乎 師教六詩殆自箕子此章開之治天下者欲正人心 體其詞意優将不迫使人感發而不能自己周禮太 天下臣民吟咏自得而相與保極者也數言全乎詩 行即與皇建之極相為依歸矣此敷言之訓所以使

C N つ 日 4 Po 一一一日請者經群義 實乃上帝之訓但上帝不言而人君代之言耳作極 言純乎天理則是訓也者寧惟人君所自為訓乎其 於臣民者慎無忽此言教哉推箕子之言可見人主 季二

患高遠是天下之常理也其言則為萬世彝倫所取 法而不可移易是天下之大訓也夫理出于天令敷 反覆著明如此其理則切于斯人舞倫之日用而不

王路示會極之趨又以湯湯平平正直示歸極之的

以至極之理敷衍為言而訓語臣民既以王義王道

作民父母以為天下王 一般庶民極之數言是訓是行以近天子之光曰天子 此一節書是著數言之效也日者庶民之言箕子曰 萬民即陰隱之化工凡所以教治百官即相協之深 敷言之訓合乎天則自感乎人矣凡天下衆民於皇 意此皇極所由統九疇而居中數中位以為叙彝倫 之大本也

體天立極一言一行無不當與天為一凡所以鼓舞

極之數言莫不諷誦其辭奉是以為訓因而践復于 我有我莫如父母今天子敷言以訓我民雖父母教 于上其道德固有光華而庶民會歸于下人欲日消 身率是以為行及夫涵濡既久感化益深天子建極 子義方亦不是過非即作民父母乎君我長我實惟 于天下數錫深治乎民心愛載誠而頌聲作皆曰生 理庶民即會歸此至極之理也當是之時皇極大同 天理日著亦近于天子之光華盖天子建此至極之

尺 四 日 年 4 四 日講書經解義

六三德一曰正直二曰剛克三曰柔克平康正直疆弗 修身盡性工夫正所以叙葬倫人主通天下為一身 弗至斯信為天下王矣夫稱父母以親之稱天下王 王者今天子敷言以訓我民凡所以勉進曲成既無 故箕子言之特詳其為萬世傳治道者切矣 保極于無窮而建極之功乃全也大抵皇極一疇皆 以尊之庶民之頌聲若此而羣臣之感化可知所為 合天下以成性使臣民有未歸于極即是建極有虧

燮和也箕子日九疇之六日人用三徳王者以身建 極雖是一理而治世之徳其用有三一曰正直大居 **遏惡止愚教先振作與廉立懦剛以法天之健君德** 此一節書是箕子所行三徳之疇也克治也友順也 所最尚也三日柔克政先寬大濟物以恩教貴優 示人無為而治君德之極隆也二日剛克政貴嚴明 正而不事偏邪之術行直道而不存私曲之意作

次足日車全書 一一日講書經解義

五五

友剛克燮友柔克沈潜剛克高明柔克

直之德治之雖有政教之修而很乎相克之用與天 道化成人心淳風俗厚此平康之世也人君則以正 牖民乳易柔以法地之順亦君德所無資也三徳之 極和柔委順之世則福以予之用君之桑徳克其習 用君之剛徳克其習俗之偏于剛使有所畏而趨于 目如此然用之於治則各因其時之所宜馬有如久 俗之偏于柔使有所慕而向于極此齊之以政也至 下安于保極而已若夫強梗弗順之世則威以奪之

アモロ車全書 一一日講書經解義 自然之明作宜柔而柔亦正直中自然之博大則是 之為用陽舒陰斂其幾甚神然宜剛而剛即正直中 **敘尚無體此三徳哉夫惟正真則無所事克至于克** 民俗于皇極者固與正直有同歸矣人君欲舞倫之 五十五

禀之過案使知勉而企於極馬高亢明爽之人則抑

于沈深潜退之人則揚以進之用君之剛徳克其氣

以退之用君之桑徳克其氣熏之過剛使知裁而就

於極馬此化之以教也盖剛柔之用雖異而納天下

臣之有作福作威玉食其害于而家凶于而國人用側 頗僻民用僭式 惟辟作福惟辟作威惟辟玉食臣無有作福作威玉食 **德之用有三而人主所以維持皇極總一德之執中** 食珍美之食也側不正也頗不平也僻不公也僭踰 此二節書是言主權不可下移而又切著其戒也玉 也忒過也箕子曰王者欲行撫世之大徳必操御世

飲定日車全書 日講書經解義 均安而國不異政家不殊俗天下賴以長治也若臣 下而敢有作福作威玉食則綱紀陵替大夫必貽患 敢有竊福市恩假威報怨及偕用王食者所以上下 之凡在人臣但當奉行君之威福貢獻君之玉食無 之萬方玉食之供居天位而食天禄亦惟君得以享 作之刑罰征誅謂之威奉天討以遏惡惟君得以作 之用哉爵禄慶賞謂之福奉天命以楊善惟君得以 五十六

之大權使非總攬于上而或暗移于下何以盡三德

七種疑擇建立卜筮人乃命卜筮 箕子之言所以扶皇極者豈其微哉 無法守小民亦偕妄過忒而踰越其常矣臣下僭上 不產有位者邪側頗僻而不安其分上無道揆則下 害于家諸侯必致凶禍于國由是大臣不法則小臣 此一節書是箕子所行稽疑之疇也龜日卜著日豆 非權不行此义用之要旨也春秋筆削總發明此理 之患如此人君可不慎操其權乎盖權非德不立德

灰 AL 习事 全書 一日請書經解義 吉山以明定人事之趨避謂之稽疑然其要在于得 傳龜著之意人君當於平日選擇其人建立為太卜 箕子曰九畴之七曰明用稽疑朝廷舉行大事雖由 太筮之官使之專掌其職遇有疑事不決之時乃命 疑于神或下龜以觀兆或揲蓍以起卦稽考天命之 所用以卜筮之人亦以至公無私心與天通而後能 于君心内斷臣民聽順而猶未敢自用也必決其所 人龜蓍惟至公無私故能紹天明命以通鬼神之情

日雨日霽日蒙日驛日克日身日梅 在非龜著之神物不傳而神物之示意非睿智有德 明而天下之事功可成則明用之大要也蓋天意所 此二節書是分列卜兆筮卦之體也算子曰稽疑者 於體天地之撰通神明之德者乎 之人亦不能傳人主治天下無事不本于用賢而况 欲明卜筮之用當先詳辨其灼龜觀兆揲蓍起卦之

是人或用龜以卜或用蓍以筮然後趨吉避山之理

成一爻十八變而成六爻下三爻為內卦上三爻為 外卦合内外二卦乃成一卦内卦曰貞外卦曰悔又 之體不同而五行之理寓馬矣筮之法按河圖大行 散絡驛者金之兆也有交錯相尅者土之兆也五兆 文其兆與五行相配有滋潤如雨者水之兆也有開 之數虚其一而不用用蓍草四十有九揲之三變而 朗如霽者火之兆也有蒙昧不明者木之兆也有布

體馬卜之法用火灼龜因其所食之墨以觀所坼之

火色日華全書 一日時書經解義

五十八

夫卜兆本于五行筮卦本于陰陽則象數無非實理 體而陰陽之動靜者馬矣卜筮之先辨其體者如此 之卦成之于後皆有變動不居之意盖值身悔之卦 卦得之于先皆有正固不移之意悔者生乎動外卦 如六爻中有老陰老陽動而變為别卦所謂之卦也 之所在曲藝術士之流鳥能心通其故乎此箕子所 初遇本卦日貞後變之卦日悔貞者事之幹內卦遇 以首重擇人也

稽疑之用則同也然所謂行成者推行于未有過差 占用負悔二象國家欲舉大事或疑其不能無過差 貞悔之七者分而用之則卜用雨霽蒙驛克之五兆 箕子曰卜兆筮卦之體總而言之則有雨霽蒙驛克 此一節書是合著下兆益卦之用也行推也成過也 静之宜以期人事之無過差馬是卜筮之體雖其而 則預用此卜筮推衍之審吉凶得失之象決趨避動 一日講書經解義 五十九

凡七ト五占用二行ぶ

立時人作卜筮三人占則從二人之言 事必使三人共占之如卜則三人同卜筮則三人 適如其象亦不能有所加若兆卦示人以凶則當因 之先非遲廻顧慮于已然之後古之理一定兆卦但 而改過遷善可見明用之道仍在人主之慎以勃幾 既立是所擇之人以作卜筮之官及當命卜筮時每 一節書是言卜筮聽斷之要也算子曰稽疑之法

金贞

正屋台刊

尺已日華公書 一一日滿者經解表 違庶乎舉措合宜而過差可免此又用卜筮時聽斷 吉固可行矣或一人言凶二人言吉則亦從其吉而 凶則亦從其凶而避之因人言之多寡察天意之從 趨之三人皆言凶固不可行矣或一人言吉二人言! 又以就其中舎異取同人主公聽立觀之道亦即此 之要也大抵天下事專任一人則識 應或偏並用二 人則可否難決三人皆素所擇建必皆賢且智者也 **六**

筮共觀兆卦之吉凶以相參考其同異爲三人皆言!

吉作外凸龜筮共違于人用静吉用作凶 士從龜從強從汝則逆庶民逆吉庶民從龜從築從 汝則有大疑謀及乃心謀及卿士謀及庶人謀及卜筮 疆子孫其逢吉汝則從龜從益從卿士逆庶民逆吉卿 則逆卿士逆古汝則從龜從益逆卿士逆庶民逆作內 則從龜從盆從鄉士從庶民從是之謂大同身其康 可緊見矣 此一節書是正言榜疑之序而并著其應也箕子曰

たこう たとい 一日請書經解義 龜有吉無凶策之于著有祥無咎婦士無問言庶民 物之至公無私尤為可信乃命卜筮之官灼龜以觀 也若此大事君心以為可行則順從矣及其卜之于 犯禁著以玩占質諸神謀而決其從違此**稽疑之序** 原有定見國家大事有行止可疑而未決者必先審 之庶民則人謀無弗至矣然而未免于有心不若神 理度勢謀于君心又博咨在朝之卿士又廣詢在野 至

稽疑之法固當決于卜筮而事理之是非可否人心

士庶民逆而未順然君謀合于神謀亦為吉也或卿 大同之應有固然者或君心順從而龜筮皆從雖卿 倘君心既役而龜從筮逆卿士庶民皆逆雖逆多順 雖君心臣心逆而未順然民謀合于神謀亦為吉也 謀合于神謀亦為吉也或庶民之心從而龜筮皆從 士之心從而龜筮皆從雖君心民心逆而未順然臣 近則福集君身康寧強健遠則福庇子孫遭逢吉慶 無異議是謂此明朝野翕然大同何所行而不宜哉 月在言

灾匹

次足日車全書 一日講書經解義 吉一動而作為必凶稽疑之應類如此以斷天下之 皆無所逆而神謀不順則天意可知惟静以守常乃 主無事非奉若天道而龜筮則紹天之明者故稽疑 疑以定天下之業所貴乎人君之明用也盖皇極之 則凶至若龜兆筮占總與人謀相違雖或君臣上下 之謀相合作內之祭祀等事亦吉作外之征伐等事 少但着多以人而猶短龜純乎天而更長且與尊上 以神謀為重然必先謀及乃心則窮理格物之學其 なこ

其敘庶草蕃廡一極備凶一極無凶 庶徴曰兩曰暘曰燠曰寒曰風曰時五者來備各以 此二節書是箕子所行庶徵之疇也赐日也燠煖也 事所假驗者甚衆故謂之庶徴其目維何陰陽之氣 也極無過少也箕子曰九疇之八曰念用庶徴盖以 可緩平 五者指雨暘燠寒風也眷無草生豐茂也極備過名 理常相感通五行之氣運于在天旨應乎

飲定四庫全書 日講書經解義 萬物無以育其生必致凶災一或極無而傷于太少 次敘順應節候而至則協氣旁流品物生殖雖衆草 相處拂則鼓舞摩溢而為風雨陽燠寒風皆有當然 候奸錯一或極備而傷于太多則陰陽之氣偏勝而 之至微亦且養威無茂矣况其他乎若五氣失調節 之節候曰時若此五氣之來全備無少缺又各以其 則氣煖而為燠陽消陰長則氣冷而為寒陰陽之氣

交則蒸潤為雨陰陽之氣清則開露為盼陰消陽長

豫恆嶼若曰急恆寒若曰紫恆風者 寒若曰聖時風若日咎徵曰狂恆雨若曰惛恆賜若曰 日休徴日肅時雨若曰人時賜若曰哲時頗若曰謀時 此一節書是推言庶徵之本于人事也箕子曰庶徵 氣乖則五行俱乖人主憲天之道斷無可或偏者也 行順布天道所以成歲功也一氣順則五行皆順一 氣之所徵有休有各如此豈可忽而不察故要之五

則陰陽之氣偏虧而萬物無以遂其性亦致凶災五

ここり ここ 日珠書經解義 肅則貌之德修矣貌澤水也雨亦水之氣其為休徵 矣視散木也燠亦木之氣其為休徵則和媛以時而 則雨澤以時而順應之如言必從理而能作又則言 則天必有休美之徴各以類應如貌必克恭而能作 風之五氣人有貌言視聽思之五事故五事修于人 以時而順應之如視無不明而能作指則視之德修 之徳修矣言揚火也賜亦火之氣其為休徴則晴霽 本の

雖見于天運莫非人身之所感召也天有雨陽燠寒

灾匹厚全意 肅失于在而於湯其咎徵則為常雨而順應之盖沒 風亦土之氣其為休徴則風至以時而順應之五事 金也寒亦金之氣其為休徵則寒結以時而順應之 順應之如聽無不聰而能作謀則聽之德修矣聽收 徵則為常腸而順應之盖亢旱為震類于僭也視 潦無節類于狂也言不能作义失于僭而差忒其咎 如思必通微能容而作聖則思之德修矣思通土也 不修于人則天必有咎惡之徵各以類應貌不能作

盖人君之行事與天地相為流通故行有善惡則氣 各以類應然感應之理非謂行此一事即有此一應 此然則体咎雖驗乎天惟在人君之慎其所感而已 1. 日清書經群義 六十五

思無作聖之徳失于蒙而散昧其各徵則為常風而

盖和桑氣多類于豫也聽不能作謀失于急而輕躁

能作指失于豫而遲疑其咎徵則為常順而順應之

其谷徵則為常寒而順應之盖栗烈氣勝類于急也

順應之盖晦霾之氣類于蒙也休咎之各以類應若



曰王省惟歲卿士惟月師尹惟日 鱼灰四月在言 本自能召和而致祥矣 固不必拘拘為配合之說也惟於天人之際明其自 統而言之一德修則凡德必修一氣和則凡氣必和 者何以盡其念用之實哉凡為君為臣皆當隨分隨 也箕子曰庶徴之於五事天人相感應如此治天下 然之理而得其所以然之故誠身修德以為格天之 節書是承上言休咎之徵而示君臣所以念用

庶徵休咎惟以係一歲之利害者省驗之馬卿士大 統財成輔相之任其分獨尊猶歲之無所不統也故 時觀其休咎以省察所行之得失王者如天運於上 臣有調燮賛襄之責其分之統於王猶月之統於歲 之馬蓋因休以省五事之得而益進于交勉因咎以 統於月也故庶徵休咎惟以係一日之利害者省驗 尹眾職有撫辰凝績之責其分之統於卿士猶日之 也故庶徴休咎惟以係一月之利害者省驗之馬師

尺三日車在馬一一日請書經解義

ナナナ

歲月日時無易百穀用成人用明俊民用章家用平康 用不寧 日月歲時旣易百穀用不成人用昏不明俊民用微家 統者大而上下之貴相濟也與 省五事之失而共惕于增修此念用庶徵之道也抑 此二節書是究言休徴之效咎徵之害也箕子曰天 **關固一體也算子特就尊卑分屬之亦見人主之所** 歲月日相需成運王卿士師尹相資成治其得失所

钦定日車全書一一日講書經解義 變易其常度此休徵也其效何如言乎歲功則農力 居者因以共慶平康矣休徵之效其盛如此然必由 伏處者因以章顯在位矣王者天下為家比户而安! 齊而地利出百穀因之成熟矣言乎治道則綱紀陳 徵之害皆昭然其不與也有如和氣順布大而一歲 之間小而一月一日之内雨陽與寒風各以時至無 而禮樂備政治因之修明矣賢才應運而與俊民之 人感應之際君臣不可不交省者誠以休徵之應咎

矣當世之俊民則隱遯而自甘微賤矣生民之室家 其常度此咎徵也其害何如以彼百穀則皆不成熟 之内大而一歲之間雨暢燠寒風所至非時既變易 五事克修之所致也有如乖氣漸積小而一日一月 以交修又安在不可轉咎而為休哉夫休徵必歷歲 五事不修之所致也人君果能自省而率卿士師尹 則流離而莫獲安寧矣咎徵之害不可勝言蓋無非 而饑饉済臻矣以彼政治則昏亂不明而國事日非

庶民惟星星有好風星有好雨日月之行則有冬有夏 月之從星則以風雨 由日而積故言小以及大則知省身之無機可忽其 星主雨箕子曰王及卿士師尹固省驗于歲月日矣 此一節書是言庶民之休咎係乎上也箕星主風畢 語誠萬世君臣可謂深切矣 至於庶民則其象惟星盖庶民無職守亦無所省驗 / ALIO 日講書經解義

而成故言大以及小則知省身之倡率自上咎徵即

其休咎惟視乎上人之得失如衆星之附于天也凡 星以氣類相感各有所好主風者好風主雨者好雨 其所而好亦有不齊馬星之在天雖所好各異而其 亦如庶民之寒者欲衣饑者欲食鰥寡孤獨者欲得 至牽牛月由黑道則行冬令日至東井月由赤道則 氣化流行寒暑推遷乃驗于日月之所經行次舎日 也然日之從星不可見而月之從星可見月行東北 行夏令是運于天而成歲功者眾星之好所由以遂


定四月日 TT |


钦定四庫全書 日講書經群義 者也然必以日月之常行而從星之異好則天道不 言而歲功成王者辨名定分莫貴乎卿士師尹而庶 足而知禮義斯五事無不修休徵有協應馬耳大學 欲則王道無為而治化洽誠以庶民之欲既遂衣食 民其早者也然必以卿士師尹之常職而從民之其 猶是矣夫天之懸象著明莫大乎日月而衆星其微 則以畢星所好蒸而為雨其必從之者如此而日亦 人於箕則以箕星所好扇而為風月行西入于軍


六日弱 終命六極一日凶短折二日疾三日憂四日貧五日惡 九五福一曰壽二曰富三日康寧四曰攸好德五曰考 遂庶徴之義大矣哉 民者之責也兩曜順度而風雨時百官舉職而民生 命令察四方之幽隱以佐從欲之治則卿士師尹近 言絜矩在好惡則人主必當從民之欲而達朝廷之 此二節書是箕子所行五福六極之睛也富者有塵


灾 E 习 和 在 是 日講書經解義· 徳足致福尤公善終以成其順受之正命乃為福之 壽人多年壽而後能享諸福故先之二曰富財禄充 者不壽也算子曰疇之九為福極盖言人之善者天 成也考終命成其善終之正命也凶者不善終短折 贍所以資生也三日康寧體無疾厄心無憂患也四 必報之以福而惡者必報之以禍也五福之目一曰 日攸好徳所謂心逸日休自求多福也五日考終命 禄也康者身安寧者心安也似好德所好在德也考


道得矣六極之目一日凶短折遭凶害而天殁禍莫 備也此五者皆天所以福善人君自動以建極而斂 則威用之道得矣天之報人以福極者自昭然其不 大馬二曰疾身所苦也三曰憂心常戚也四曰貧俯 福于一身勸臣民以訓行而錫福于天下則嚮用之 極且時時以此六極示戒其臣民務登一世于平康 仰無賴也五曰惡過剛則暴也六曰弱遇柔則辱也 人君雖萬福收同猶公凛凛畏懼思所以永福而遠











腾録監生臣侍 臣一對官庶吉士臣侍 朝